



Tel: 035/668 650

Fax: 035/668 672

Broj: 02-19-165-2/20

Čelić, 05.01.2021. godine

A. Izetbegovića 60-2. 75246 Čelić

E-mail: opcelic@gmail.com

Na osnovu člana 69. stav (2) tačka e) Zakona o javnim nabavkama ("Službeni glasnik Bosne i Hercegovine", broj: 39/14), člana 39. Statuta Općine Čelić („Službeni glasnik Općine Čelić“ broj: 3/2017), na Preporuku Komisije za javnu nabavku broj: 02-19-165-2/20 od dana 30.12.2020. godine, u postupku Konkurentskog zahtjeva za dostavu ponuda za nabavku radova „Sanacija društvenog Doma u MZ Nahvioci“, Općinski načelnik d o n o s i:

ODLUKU **o poništenju postupka javne nabavke**

Član 1.

Prihvata se Preporuka Komisije za javnu nabavku broj: 02-19-165-2/20 od dana 30.12.2020. godine i poništava postupak javne nabavke Konkurentski zahtjev za dostavu ponuda za nabavku radova „Sanacija društvenog Doma u MZ Nahvioci“ koji je pokrenut Odlukom o pokretanju postupka javne nabavke broj: 02-19-165-2/20 od 28.10.2020. godine, broj Obavještenja o nabavci: 306-7-3-76-3-18/20 od 03.11.2020. godine.

Član 2.

Ova Odluka će se objaviti na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

Član 3.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-19-165-2/20 od 28.10.2020. godine. Javna nabavka radova „Sanacija društvenog Doma u MZ Nahvioci“ je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosila je 42.735,00 KM.

Obavještenje o nabavci broj: 306-7-3-76-3-18/20 objavljeno je na Portalu javnih nabavki dana 03.11.2020. godine.

Poziv za preuzimanje tenderske dokumentacije u sistemu „E nabavke“ broj: 02-19-165-2/20 od 04.11.2020. godine putem pošte prosljeđen je slijedećim ponuđačima:

-“Papilon” d.o.o. Čelić, Majevička bb, Brnjik

- “Ratkovići” d.o.o. Ratkovići, Ratkovići bb,

-ZR "Gradnja nova" Vražići, Begzudina Sarajlića 12,
-"Karam gradnja" d.o.o. Čelić, Korajskih boraca 34, Čelić.

Komisija za javnu nabavku imenovana Rješenjem broj: 02-19-165-2/20 od 28.10.2020. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-19-165-2/20 od dana 30.12.2020. godine, Preporuku o poništenju postupka javne nabavke broj: 02-19-165-2/20 od dana 30.12.2020. godine i Izvještaj o radu komisije broj: 02-19-165-2/20 od dana 30.12.2020. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku nabavke primljene 2 (dvije) ponude,
- da su blagovremeno primljene 2 (dvije) ponude,
- da nije bilo neblagovremeno primljenih ponuda,
- da primljena ponuda D.o.o. „Karam gradnja“ Čelić nije potpuna i ne ispunjava zahtjeve iz Tenderske dokumentacije, te je ocijenjena je kao neprihvatljiva,
- da primljena ponuda „Papilon“ d.o.o. Čelić ispunjava zahtjeve iz Tenderske dokumentacije, te je ocijenjena kao kvalifikovana i prihvatljiva, ali je cijena iste znatno veća od osiguranih sredstava za predmetnu nabavku.

Pregledom i ocjenom ponuda utvrđeno je da u ponudi ponuđača D.o.o. „Karam gradnja“ Čelić nisu dostavljeni dokazi u skladu sa tačkom 2.2. pod g) Tenderske dokumentacije, a kojom je zahtijevano sljedeće:

„Izjava o ispunjenosti uslova iz člana 47. stav (1) tačka a) i stav (4) ZJN BiH koja je sastavni dio ove tenderske dokumentacije i nalazi u prilogu tenderske dokumentacije ANEKS 5. Izjava ne može biti starije od 15 dana računajući od dana predaje ponude u ovom postupku javne nabavke te mora biti popunjena, potpisana i ovjerena od strane ponuđača. Uz izjavu, ponuđači dužni dostaviti i Uvjerenje Centralne banke BiH sa spisakom aktivnih bankovnih računa koje dobavljač ima otvorene kod komercijalnih banaka. Uvjerenje Centralne banke ne smije biti starije od tri mjeseca računajući od dana predaje ponude i dostavlja se kao obična kopija. Ponuđači su dužni dostaviti i potvrde poslovnih banaka kod kojih ponuđač ima otvorene račune da transakcijski računi ponuđača nisu bili u blokadi u periodu proteklih 6 mjeseci računajući od datuma izdavanja potvrde. Potvrda banke ne smije biti starija od tri mjeseca računajući od dana predaje ponude i dostavlja se kao obična kopija.

Ponuđač čija ponuda bude izabrana kao najpovoljnija, dužan je nakon prijema odluke o izboru najpovoljnijeg Ponuđača dostaviti, u roku ne dužem od pet (5) dana, originale ili ovjerene kopije dokumenata kojima dokazuje ekonomsku i finansijsku sposobnost...“

Ponuđač je u ponudi dostavio:

- Izjavu o ispunjenosti uslova iz člana 47. st. (1) tačaka od a) i stav (4) Zakona od dana 17.11.2020. godine, popunjenu, potpisanu i ovjerenu od strane ponuđača.

Dakle, ponuđač uz Izjavu o ispunjavanju uslova iz člana 47. stav (1) tačka a) i stav (4) ZJN BiH nije dostavio kopiju Uvjerenja Centralne banke BiH sa spisakom aktivnih bankovnih računa koje dobavljač ima otvorene kod komercijalnih banaka, niti kopije potvrda poslovnih banaka kod kojih ponuđač ima otvorene račune da transakcijski računi ponuđača nisu bili u blokadi u

periodu proteklih 6 mjeseci računajući od datuma izdavanja potvrde, što nije u skladu sa zahtjevom navedenim u Tenderskoj dokumentaciji.

Imajući u vidu navedeno, Komisija je jednoglasno odlučila da ponuda ponuđača D.o.o. „Karam gradnja“ Čelić nije potpuna i ne ispunjava zahtjeve iz Tenderske dokumentacije, te je ocijenjena je kao neprihvatljiva i u skladu članom 68. stav (4) tačka i) Zakona o javnim nabavkama se odbacuje.

Tenderskom dokumentacijom za predmetnu nabavku predviđeno je provođenje e-aukcije. Članom 3. stav (3) Pravilnika o uslovima i načinu korištenja e-aukcije („Službeni glasnik BiH“ broj 66/16) i tačkom 6.3. Tenderske dokumentacije za predmetnu nabavku predviđeno je da u slučaju prijema jedne prihvatljive ponude e-aukcija se neće zakazivati, nego će se postupak okončati u skladu sa članom 69. Zakona o javnim nabavkama.

Obzirom da je u predmetnom postupku nabavke cijena jedine prihvatljive ponude znatno veća od osiguranih sredstava za nabavku, komisija se dopisom broj: 02-19-165-2/20 obratila ugovornom organu zahtijevajući očitovanje po ovom pitanju, u smislu da li postoji mogućnost da se u Budžetu općine raspodijele dodatna sredstva za sufinansiranje konkretnog Projekta ili da se ista obezbijede iz drugih izvora sredstava. Komisija je nastavila sa radom nakon dobijene povratne informacije od strane ugovornog organa da općina nema sredstva za sufinansiranje konkretnog Projekta.

Procijenjena vrijednost predmetne javne nabavke iznosi 42.735,00 KM bez PDV-a, u skladu sa Odlukom o pokretanju postupka javne nabavke broj: 02-19-165-2/20 od 28.10.2020. godine. Cijena jedine prihvatljive ponude ponuđača „Papilon“ d.o.o Čelić je 55.914,68 KM bez PDV-a, odnosno 65.420,17 KM sa PDV-om, što predstavlja znatno veću vrijednost od osiguranih sredstava za predmetnu nabavku.

Kako zakazivanje e – aukcije u predmetnom postupku javne nabavke nije moguće, a cijena jedine prihvatljive ponude „Papilon“ d.o.o Čelić je znatno veća od osiguranih sredstava za predmetnu nabavku, stekli su se uslovi za poništenje postupka javne nabavke , u skladu sa članom 69. stav (2) tačka e) Zakona o javnim nabavkama.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku predmetne nabavke ocijenjeno je da je Komisija u svemu pravilno postupila.


Iz navedenih razloga, primjenom člana 69. stav (2) tačka e) Zakona o javnim nabavkama, odlučeno je kao u dispozitivu ove Odluke.

Uputstvo o pravnom lijeku

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.



OPĆINSKI NAČELNIK


Admir Hrustanović, dipl. oec

Dostavljeno:

1. Ponuđačima
2. Komisiji za nabavke
3. Službi za urbanizam
- ④ 4. Za općinsku web stranicu
5. Evidenciji
6. Arhivi